



# САМУРДИН

## ссс

«Магъарамдхуруён район» МР-дин общественно-политический газет.  
Общественно-политическая газета МР «Магарамкентский район».

Тешкилайди: «Магъарамдхуруён район» МР.

Газет 1951- йисалай акъатзава. № 41 (7698) киш, 23-август, 2014- йис. Къимет 3 манат.

### МР-дин АДМИНИСТРАЦИЯДА



## ФИКИР ТАГАНВАЙ МЕСЭЛАЯРНИ АМА

МУНИЦИПАЛЬНЫЙ райондин администрацияда аппаратдин работникрин нубатдин совещание кыле фена. Ам ачухай МР-дин администрациядин кылин везифаяр вахтуналди тамамарзавай Гъабибуллагъ Мурадалиева «Магъарамдхуруён район» МР-дин муниципальный хусиятда авай объектра цаяр кюнрин хатасузвал авай гьалдин гьакъиндай «Магъарамдхуруён район» МР-дин администрациядин ГО ва ЧС отделдин начальник Зайнудин Азимован докладдихъ яб акалун теклифна.

Зайнудин Эмиржановича кьейд авурвал, муниципальный хусиятдин объектар цаяр кюнрикай хуён патал тайин тир кваллах тухузва. МР-дин администрацияда и рекъяй къабулнавай къарардин бинедал алаз сифте нубатда инсанар гзаф кватI жезвай чкайра ( школай-

ра, аялрин бахчайра, клубра) цаяр кюнрикай хуён ва хатасузвилин дережа жкажун патал ара датлана кваллах тухузва. Муниципальный райондин объектрал цинин ала-тай вахтунда 47 ахтармишун кыле тухвана, 85 протокол кхьена. Гъиле авай йисан майдин вацра бязи школайрин работникрихъ галаз практикадин занятияр кыле тухвана.

Докладчиди кьейд авурвал, и рекъяй гъеле гьализ тахъанвай ва фикир таганвай месэлярни ама. Образованиедин объектрал цин гьамбарханаяр чIуру гьалда ава: абур клевनावач, яд авач, бязибур зирзибилдай ацанва. Культурадин идарайрани хъувуна кIанзавай, фикир таганвай месэляяр гзаф ама.

Районда цаяр кюнрикай хуён рекъяй ихътин ва я маса кимвилер арадал атунин асул себеп бюджетдин бес къадар такъатар тахъун я.

Докладдин винел рахай райондин общественный Советдин председатель А. Нагъметуллаева, ЦРБ-дин кылин духтур Гъ.Беглерова, образованиедин управлениедин начальник У. Абейдуллаева ва масабуру яб акалай месэладин гьакъиндай чпин фикирар лагъана.

Гуьгъуёнлай Гъабибуллагъ Желиловича гьалай месэладин не-тижаяр кьуна, кваллах хъсанардай рекъер къалулна.

Совещаниедал гьакI жегъилрин кваллахдин рекъяй отделдин начальник М. Рамазанован, ЖКХ-дин отделдин начальник И. Тагъирован, хуруён майишатдин управлениедин начальник, хуруён майишатдин илимрин кандидат Н. Ибрагъимован ва масабурун информациярихъни яб акална.

Ф.ГЪАЖИЕВ.

## ЮБИЛЕЙ



*КЪУДРАТ Мегътиевича ва ОДЕССА Жанлатовнади риклер-сирер сад авуна, гъил-гъиле къуна, квал-югъ кутуна, муьгъуьббатдикай тухуьн тийидай чирагъ авуна уьмуьрдин къекъуьнар авай яргъал рехъ атлуз 40 йис хъанва. 40 йис. Сивяй регъятдиз къведа. Амма 40 йисан рехъ 14600 юкъузни йифиз атлана кланзава. 40 йисан рекъе гьалтзавай татугайвилерилай, уьмуьрдин кстахвилерилай, яшайишдин ва дуланажагъдин мишекъатвилерилай гъар садалай кам ягъиз, пакадин йикъахъ инанмишвилелди а рехъ давамариз алакъзавач. Къудраталайни Одессадилай и кар алакъна, абуру вири четинвилериз дурум гана, беъерлу уьмуьр давамарун яз гъа чеб хътин пуд велед члехи авуна. Абуруз къилин образование къачудай мумкинвал гана. Вири эвленмишна. Пудани гъуьрмет-хатур аваз Магъарамдхуьре кваллахзава. Гъа им тушни диде-бубадин санал кечирмишдай уьмуьрдин эрзиман мурад!*



## ЯхцIур йисуз гъил - гъиле къуна

КЪУДРАТ Мегътиевича Киркарин хуьруьн юкъван школа, ахпа Дагъустандин госпединститутдин къецепатан чIаларин факультет акъалтIарна. Жегъил малимди зегъметдин рехъ 1973-йисуз Магъарамдхуьруьн I-нумрадин юкъван школада английский чIалан тарсар гунилай башламишна. Ина I3 йисуз гъакъисагъвилелди чIугур зегъметдин беъерлувилин гъакъиндай школадин директорди ганвай характеристикадай къачунвай чIарари ачухдиз лугъузва: «...Къ.Жабаров вичин везифайрив намуслувилелди эгечIзава. Адаз вичин предмет, методика лап хъсандиз чида ва адалай чирвилер аялрихъ агакъариз алакъзава». Ина I3 йисуз кIвалах авурдалай къулухъ райондин инспекторвиле тайинарна. Ахпа Къудрат Мегътиевичан тешкилатчивилин, инсанрихъ галаз кIвалах ийиз алакъунин бажарагълувал фикирда къуна ам райондин администрациядин инструкторвиле тайинарна. Ина ада вич алай чка фад къалурна: ам райадминистрациядин отделдин заведующийвиле, гугъуьнлай отделдин начальниквиле тайинарна. Гъа са вахтунда ада общественный чIехи кIвалахни тухуз хъана. Яргъал йисара чIугур гъакъисагъ зегъметдай Къудрат Мегътиевич «Дагъустан Республикадин муниципальный къуллугъдин лайихлу работник» гъуьрметлу тIварцIиз лайихлу хъана. Адаз райадминистрациядин къил М.Велимурадован къул алаз ганвай характеристикадай агдадихъ гъизвай са шумуд

чIарцIи Къудрат малимдин кIвалахдив эгечIунин тегъер, кар алакъунин бажарагълувал къалурзава: «...Ам райадминистрациядин хуьрерин администрацийрихъ галаз кIвалах тухудай отделдин заведующийвиле тайинарунихъ галаз санал райондин хуьрерин администрацийрин кIвалах сад лагъана хъсан, анра зегъметдин ва кар тамарунин низамлувал мягъкем хъана. Гъа и кардай Къ. Жабаров чухсагъул малумаруналди лишанлу ийизва...».

Ихътин гъевесламишунар, лишанлу авунар сечкийрин кампанийра, профсоюздин кIвалахда, призывар къиле фидайла активвилелди иштирак авунай Къудрат Мегътиевичан адресдиз тIимил хъанач. Абурун арада «Магъарамдхуьруьн район вилик тухуник хуси пай кутунай» хурудал эцигдай знақди къетIен чка къазва.

Къудрат малим шад ва гурлу межлисрал рикI алай, жемьтдин хийир-шийирдикай жкечI тийидай инсан я. Гъа ихътин лишанар фикирда къуна адал гзафбуру чIехи ва шад межлисар къиле тухунни ихтибарзава.

Къудрат Мегътиевич, дугъриданни, вири патарихъай гъуьрметхатурдиз лайихлу инсан я. Адан адресдиз хуш келимаярни гъикъван хъайитIани лугъуз жеда. Бес и 40 йисуз адахъ галаз санал камкумуна аваз-фейи, хъсан вири крарин шерик хъайи, къулан чимивал, кваллин къенивал хвейи, гужлу лампади хъиз ишигъ гайи адан уьмуьрдин юлдаш Одесса Жанлатовнадиз гъихътин къимет гуда? Анжах «вад!» Эгер гъадалай чIехи къимет авайтIа, ам гъадаз-

ни лайихлу тир. Са капунни ван ийидач лугъуда, -халкъдин мисалди. Эгер уьмуьрдин яргъал сефердиз экъечIайла Къудратал фикирарни мурадар сад авуна, гъил-гъиле къуна, кам-камуна туна феи Одесса хътин дишегъли гъалтначиртIа, къе бажагъат завай и хуш чIарар кхъиз жедай.

ОДЕССА Жанлатовна неинки уьмуьрдин вафалу юлдаш, хъсан ва къайгъудар диде, гъуьрметлу къунши я, ам кIвалахални вири тарифриз лайихлу пешекар, чешнелу къуллугъчи я. ТуширтIа Каспийск шегъердин медицинадин училище акъалтIарай 1973-йисалай ада Магъарамдхуьруьн райондин центральный больницадин лабораторияда дегиш тахъана гъуьрмет-хатур аваз кIвалахдачир. Ам здравоохранениедин отличник я, шумудни садра райадминистрациядин, республикадин здравоохранениедин министерстводин гъуьрметдин грамотайралди лишанлу авуна.

КЪЕНИ хизан, уьмуьрдин вафалу юлдаш, низамлу веледар, жемьтдин арада хатур-гъуьрмет хун гъар са касдин рикIин мурад я. Гъуьрметлу Одесса Жанлатовна ва Къудрат Мегътиевич, вири ибур куьне санал кечирмишай уьмуьрдин беъерар яз куь далудихъ мягъкем дагъ яз ква. Вилик атIун хъийидай яргъал рехъ кума. Къуй гъамни феи рекъиз ухшар авайди, мад са яхцIур йисалай санал кечирмишай рехъ разивилелди къейддаиди хъурай.

Фикрет ГЪАЖИЕВ.

## Спорт

## РИКИВАЙ ШАДВАЛЗАВА



ЧАВ шад хабар агакна. Магъарамдхуьре яшамиш жезвай чи районгъли Нажмудинов Расим Назимович Вироссиядин турнирда гъалиб хъана. Адет хъанвайвал, «Битва на Руси» лишандик кваз гъар йисуз тухузвай и турнирда Россиядин вири регионрай жегил спортсменри иштиракзава.

1991-ЙИСУЗ Магъарамдхуьре дидедиз хъайи Расиман рикл аял чавалай спортдал хъана. Рикле чехи къастар авай жегил хайи хуьре школа акалтIарайдалай гуьгъуьниз Тамбовдин госуниверситетдин юридический факультетдиз гъахъна. Алай вахтунда 5- курсуна келзава. Сад хъиз Махачкъаладин Жафарован тIварунихъ галай спортшколадизни гъахъна. Тренер Магъамед Ширванован гъилик женгинин искусстводин сирер чириз башламишна.

2013-йисуз ММА- версиядай дуньядин кубок патал кыле фейи женгера иштиракай ам 3-чкадиз лайихлу хъана. Гуьгъуьнлай Россиядин кубок патал Казань шегьерда кыле фейи женгера I-чкадиз ва 2014- йисан хъуьтлуьз Сибирдин чемпионатда универсальный женгерани I-чкадиз лайихлу хъана. Адакай ММА версиядай Васильевский кубокдинни сагъибни хъана.

Алай йисан 10- августдиз Тамбов шегьерда «Битва на Руси» лишандик кваз кыле фейи вироссиядин турнирда къайдаяр авачир женгерай кызгъиндиз кыле фейи акъажунра рингдин иеси тир спортсмен П.Мамонтовахъ галаз экъечIай Расима вичин алакьунралди, къастунин кевивилелди вири гъейранарна, ада гъалибвал къазанмишна. Им Расиман уьмуьрда профессиональный сад лагъай женг тир. Ам Дагъустандай атанвай тек са иштиракчи тир. Вичин заланвилдин категориядай рингдал экъечIай (70 килограмм) Расима женг тухузвай къайда акур судъайри рейсавдилелди гъалибвал чи спортсмендиз гана.

Чемпиондин сугъбетрай малум хъайивал, «Магъарамдхуьруьн район» МР-дин кыл Фарид Агъмедова гъар сеферда куьмекин гъил яргъи авуни Расиман къуват мадни артухарзава. Ада вичиз спонсорвилдин куьмекар гайи Гъалимов Аразаз, Эседуллаев Далгатаз, Талибов Эдгараз, Гъабибов Шевкетаз пара разивилелди чухсагъул лугъузва.

Дугъриданни, мумкинвилер авай кьегал рухвайри чи спортсменриз чпивай жедай куьмекар ганайтIа чи жегилрихъ чпин алакьунар къалурдай, гуьндуьр дережадиз хкаж жедай, хайи хуьруьн, Ватандин тIвар машгъур ийидай мумкинвилер жедай.

Къе Расим хкаж хъанвай дережа регъятди туш. Адан рикле мадни вилик фидай, мадни виниз хкаж жедай мурадара ава. Расима и йисуз кыле фин хъийидай турнира иштиракунин мураддалди дурумлувилелди кIвалахзава. Чна адал, ва хъанвай агалкъунрал дамахзава. Адахъ мадни къакъан дережайриз хкаж жедай гевес, чандин мягъкем сагъвал ва къастунин кевивал хъун чи мурад я.

**А. АЙДЕМИРОВА.**

## ЦIАЯР КЪУНИН ХАТАЛУ ВАХТ

ЦИНИН ГАД гзаф къурагъди хъана. Гъа и кар сеbeb яз тамара цIаяр къунин хаталувални артух хъанва. Къадардила гзаф чими гъава, бязи инсанрин къайгъусузвал сеbeb яз тамари цIаяр къунигъди чIехи зиянрал гъайи дуьшуьшарни гзаф жезва.

Магъарамдхуьруьн лесничество гуьлуьн кьерелай баш-

ламишна Рутул районда акъадалди экIай хъанва. И еке майданда тамухъ гелкъевезвай лесничийрин къадар лап тIимил я. Техникадал гъалтайлани- кесиб. Гъавилей цIухъ галаз женг чIугунни четин жезва.

И мукъвара Рутул райондин тамун 7- кварталда цIай гъатна. Чи лесничестводин, гъакI Самурдин участокдин лесничийри тамам са

гъафтеда адахъ галаз женг чIугуна. ЦIай хкадарна. Там чIехи зиянар хъуникай хвена.

Чи райондин сергъятдани къве чкада (кугъне Магъмутахуьруьн мулкуна ва вацIун кьере) цIаяр къур дуьшуьшар хъана. Чна вахтунда къабулай серенжемри ва пожарникрин куьмекин чIехи зиянар жедалди цIаяр хкадарна.

➔ 8



М. ЖЕЛИЛ

# Чи тарихдин чинар

Шейх Ярагъи – члехи буба, ви абур  
Чешне хъанва гъар са карда ваз еке.  
Вун хвейиди хъана къастни ви сабур  
Лезги халкъдин къисмет аваз мерд рикле.

Шейхерин шейх, тларикъатдин муршид я.  
Дагъустандин пуд имамдин муаллим.  
Сур гъурбатда аватлани вун чид я,  
Гъам Исламдин, гъам уьмуьрдин дуьз алим.

Твар члехи я, ирс зурба я вуна тур,  
Гел дерин я чи диндани тарихда.  
Ви весияр къиле физва тийиз члур,  
Абур ава арифдаррин тарифда.



Зуруналди акъудна вун гъурбатдиз  
Тавун патал чи лезги халкъ уяхар.  
Халкъдин гъахъвал чпин ажал тирди чиз  
Зайифарна вун хътин чи даяхар.

Ви ктабрин тварар са-сад къизилдин  
Гъарфаралди кхъенва чи тарихда.  
Алкъвадардилаи къуд патахъни чи чилин  
Машгъурзава абур гъар са арифда.

Ви квач хклур гъар са хуьре, шегъерда  
На Исламдин нур чукурна, ам хвена.  
Киче тушиз хвена ам ви тегъерда,  
Дин риклеваз суьргуьндизни вун фена.

«Кесиб халкъдин уьмуьр сад хъиз четин я», -  
Лагъанай на вун хъайи гъар чкада.  
Ваз акурбур, вае рахайбур эркин я,  
Ви члаларин гъавурда фад акъада.  
Ажуз хъанач вун санални, мумкин я,  
Умуд аваз къенин йикъа, пакада.  
Гъавилляй на цлай туьхуьрнач садрани  
Хуш уьмуьрдихъ кузвай риклин акада.

На машгъурна чи твар вири дуьньядиз,  
Хъаначтлани вавай клелиз, я кхъиз.  
Бязибрулай (вишералди савадлу)  
Хупи деринвал, Гомер буба, гана хъи,  
Сад Аллагъди шииратдин ви къилиз.



Владик БАТМАНОВ

# Гъайиф Диде къуъзун жез...



## ГЪАЙИФ, ГЪАЙИФ...

Сагъ тежер хер авазва хьы зи чанда,  
Къуъзун жезвай Диде акваз пашманда,  
Ам амукьна клан я квалле, ватанда  
Гъайиф, гъайиф къе зи Диде къуъзун жез  
Адан чулава, назик чларар рехи жез...

Зи мехъер югъ акурай ваз чан Диде,  
Ви тостунин ван гъат хъурай чи хъурре,  
Эхъ, амукьда ви акунар чи рикле  
Гъайиф, гъайиф къе зи Диде къуъзун жез  
Адан чулава, назик чларар рехи жез...

Диде... Валай мукьва касни заз авач,  
Вун хъыз ширин гъич са инсан зав рахач,  
Ви хъыз риклел зун саданни гъич алач  
Гъайиф, гъайиф къе зи Диде къуъзун жез...  
Адан чулава назик чларар рехи жез.

Аял чаууз вичин чими къужахда  
Чун ксуриз хъанай Диде квалахда.  
За Дидедал гъамишанда дамахда,  
Гъайиф, гъайиф къе зи Диде къуъзун жез  
Адан чулава назик чларар рехи жез.

Владиказ кланда Диде нефес хъыз  
Багъда авай билбилдиз хупл гъевес хъыз..

## ДИДЕ ЗИ...

Шумуд варз я хуъруъз хтун тавуна  
Гъикъван вахт я Диде вун заз такуна  
Заз накъ йифиз вун ахварай акуна  
Вахъ вил хъанва акъатзава рикл, Диде зи.

Пашман я зун гатфар такур билбил хъыз  
Секин я зун лепелачир Муй гъуъл хъыз,  
Гъамиша вун акун клан я ви хъиз  
Вахъ вил хъанва акъатзава рикл, Диде зи.

Аватлани вавай гзаф яргъара  
Хквезда зун геж тавуна мукьвара.

## КІАНИ ЯР

Азиз зи яр, де къуъз ваз зун дакланда?  
Гъикъван дердер твада вуна зи чанда?  
Вун такурла зун гъамиша пашманда,  
Зи риклиз са шад хабар гъваш, клани яр.

Къуъз киклида вун за са гаф лагъайла?  
Вав явашдиз ширин мецел рахайла.  
Катмир закай зун ви патав атайла  
Легъзеда зи гъалдиз тамаш, клани яр.

И дуънья гъич са касдизни хъайид туш,  
Вуна хъыз зи рикл садани кайид туш,  
Садазни за ви твар маса гайид туш  
Квез герек я дяве - саваш, клани яр ?

Клан хъуналди цавай гъетер гъиз жедач  
Вун такурла завай сабур хуъз жедач,  
На зи гъил яхъ дердер мад чаз хъжедач.  
Зун акурла къекъуъгъ яваш, клани яр.

Дустарив вун рахада хупл шириндиз,  
Эвичл ийиз гъар гафунин дериндиз  
Амма, къуъз вунрахада зав «сериндиз» ?  
Муъгъуъббатдин вун я са къаш, клани яр.

## ВИ ВИЛЕРАЙ...

Ви вилерай заз муъгъуъббат аквазва,  
Вав йифериз зун ахварай рахазва.  
Яр, ви риклин къенез и рикл куда за,  
Ваз муъгъуъббат зун амай къван гуда за.

Ваз минет хъуй яргъаз жемир, агата,  
Хъвер багъишиз зи вилик вун акъата.  
Вун риклевез суза аваз и чанда,  
Вун галачиз бахтсун я зун Ватанда.

## ЗУН РЕКЪИДАЧ...

Зун рекъидач, зун рагъ жеда къилел ви  
Чи ашкъидин чулава цифер бамишдай.  
Зун рекъидач яр жеда ваз чилел и,  
Йифди-югъди теменар ваз багъишдай.



## ТЕРБИЯ ВА ТЕРБИЯЧИ

# ЗЕГЪМЕТДИН КЪИМЕТ ЧИЗ

ГЪАР СА КАС члехи хъай-ила, яни вахт атайла хизан кутваз алахъзава. Жегъил хизанда аялар пайда хъай-ила ам генани мягъкем жезва. Уьмуьрдин юлдашри чпин веледар тербиялу, хъсан инсанар яз вердишарун патал зегъмет члугвазва.

Са бубат квачи чил кьурла виридалай багъа шейэр тир балаяр яслибахчадиз рекъе твазва. Ина абуру чеб хътин аялрин арада са къадар къулайдиз гъиссзава. Абурухъ чпин дустар, къугъунар ий-идай, фикирар лугъудай мумкинвилер жезва.

Хъсан патахъ вири ихътин цийивилер къвед лагъай диде-тербиячи себеб яз арадал къвезва.

Жуваз тариф, анихъ галайдаз хийир гъидай зегъметдиз къимет це лугъузвай мисал –им тербиячийринни малимрин пешедиз талукъ я.

Абуру чпин гъилик атай аялриз сифте чирвилер, хъсан тербия гуз алахъзава. ИкI аялрив рикI гваз эгечIзавай, абурал алахъзавай, диде-бубайрини гъурмет ийизвай и пешейрин сагъибрин тIварар жемятдини еке гъурметдивди къазва.

Гъа ихътин, бахчадиз атай аялриз къвед лагъай дидедал ийизвай, пешедив, аялрив рикI гваз эгечIзавай тербиячийрикай сад Асалиева Жульетта Гъазеровна я. Магъарамдхуьре хана члехи хъайи Жульеттади 8-класс акъалтIарайла малимвилерин пеше хъянай. Ада Дербентдин педучилище

акъалтIарна. Жегъил пешекарди са йисуз школада сифтегъан классрин малим яз зегъмет члугуна. 1973-йисуз кIвалах себеб яз, уьмуьрдин юлдашдихъ галаз Норильск шегъердиз акъатна. Ругуд йисалай мад хайи Ватандиз хтана. Магъарамдхуьруьн «Теремок» бахчада тербиячивиле кIвалах ийиз башламишна. Гуьгъуьнлай райондин центрдал алай «Солнышко» бахчадиз перевод вахчур Жульетта Гъазеровнади инани са кIусни кагъулвал авунач. Аялриз кIелиз-кхъиз чирун, абур школадиз гъазурун, чIал ачухарун, лезги ва урус чIалал шиирар кIелиз тун, манияр лугъун, зигъин ачухардай гъар жуьре къугъунар тешкилун вичин гъар йикъан везифайрик акатзавайди рикIивай гъисс ийиз хъана. Къени гъакI я. Суварриз талукъарна гъар жуьре мярекатар къиле тухузва, диде-бубайрихъ галаз хуш рафтарвал хуьзва. И кар себеб яз гъабуруни Жульетта Гъазеровнадин тIвар еке гъурметдивди къазва.

40 йисалай виниз члугвазвай гъакъисагъ зегъмет шумудни са гъурметдин грамотайралди лишанлу авуна. **«Виридалайни еке награда вичи тербияламышай аялрикай хизан, общество патал вафалу инсанар хъун я»**, - лугъузва Жульетта Гъазеровнади.

Адан уьмуьрдин рекъикай, кIвалахдикай, лайихлувилерикай, хуш къилихрикай яргъалди рахаз жеда. Амма виридалай еке лайихлувал: ам играми диде я. Вичин уьмуьрдин юлдаш Ягъадинни галаз тербиялу къуд велед уьмуьрдин



шегъредал акъуднава.

Абуру къилин образованияр къачуна чпин кIвалерин, пешейрин иесияр хъанва. Жульетта Гъазеровнадихъ кIуьд хтулни ава.

Ам коллективдин, магъледин, хуьруьн уьмуьрдикай са юкьузни къерех жезвач. Къенин юкьузни аялрин къвед лагъай диде яз зегъмет члугвазва.

Яргъал йисара рикIе ашкъи -гъевес аваз аялрин къуллугъда акъвазнавай, абурал зегъмет члугвазвай, члехи уьмуьрдиз къачузвай камар мягъкемарзавай квехъ чандин мягъкем сагъвал хуьрай, куь уьмуьр –гуьзел гатфарин югъ хъиз фирай, гъурметлу Жульетта Гъазеровна!

**А. АЙДЕМИРОВА.**



## Об изменениях в Административном кодексе, касающихся пребывания (проживания) в РФ иностранных граждан и лиц без гражданства

ОТДЕЛЕНИЕ ФМС РФ по РД в с.Магарамкент доводит до сведения граждан РФ, а также иностранных граждан и лиц без гражданства о том, что в Административном кодексе РФ произошли изменения, касающиеся в части пребывания иностранных граждан и лиц без гражданства на территории РФ.

1. Так, согласно абз. 1 ст. 25.10. Федерального закона «О порядке выезда из Российской Федерации и въезда в Российскую Федерацию» от 15.08.1996 г. № 114 ФЗ иностраный гражданин или лицо без гражданства, въехавшие на территорию Российской Федерации с нарушением установленных правил, либо не имеющие. документов, подтверждающих право на пребывание (проживание) в Российской Федерации, либо утратившие такие документы и не обратившиеся с соответствующим заявлением в территориальный орган федерального органа исполнительной власти, уполномоченного на осуществление функций по контролю надзору в сфере миграции, либо уклоняющиеся от выезда из Российской Федерации по истечении срока пребывания (проживания) в Российской Федерации, а равно нарушившие правила транзитного проезда через территорию Российской Федерации, являются незаконно находящимися на территории Российской Федерации и несут ответственность в соответствии с законодательством Российской Федерации.

В соответствии ч.ч. 1-2, ст. 5. Федерального закона «О правовом положении иностранных граждан в Российской Федерации» от 25.07.2002 г. № 115-ФЗ срок временного пребывания иностранного гражданина в Российской Федерации определяется сроком действия выданной ему визы, за исключением

случаев, предусмотренных настоящим Федеральным законом.

Срок временного пребывания иностранного гражданина, прибывшего в Российскую Федерацию в порядке, не требующем получения визы, не может превышать девяносто суток суммарно в течение каждого периода в сто восемьдесят суток.

Срок временного пребывания иностранного гражданина, прибывшего в Российскую Федерацию в порядке, не требующем получения визы, и являющегося высококвалифицированным специалистом, и срок временного пребывания в Российской Федерации членов его семьи определяются сроком действия разрешения на работу, выданного такому высококвалифицированному специалисту

Временно пребывающий в Российской Федерации иностранный гражданин обязан выехать из Российской Федерации по истечении срока действия его визы или иного срока временного пребывания, установленного настоящим Федеральным законом.

Вместе с тем ч.ч. 5-7 ст. 5. Федерального закона «О правовом положении иностранных граждан в Российской Федерации» от 25.07.2002 г. № 115-ФЗ предусмотрены исключения, при которых сроки пребывания иностранных граждан в Российской Федерации продлеваются. Это случаи, связанные с продлением сроков действия визы или сроков временного пребывания иностранным гражданам и лицам без гражданства, либо предоставлением разрешения на временное проживание или вида на жительство.

Кроме того, срок временного пребывания иностранного гражданина продлевается при выдаче иностранному гражда-

нину разрешения на работу или патента либо при продлении срока действия разрешения на работу или патента.

Срок временного пребывания в Российской Федерации иностранного гражданина, прибывшего в Российскую Федерацию в целях обучения или поступившего в образовательную организацию для получения образования по основной профессиональной образовательной программе, имеющей государственную аккредитацию, продлевается до окончания срока обучения данного иностранного гражданина в указанной образовательной организации.

2. Согласно ч.1 ст. 2.6. КоАП РФ иностранные граждане, лица без гражданства и юридические лица, совершившие на территории Российской Федерации административные правонарушения, подлежат административной ответственности на общих основаниях. В соответствии с ч.1 ст. 4.1. КоАП РФ административное наказание за совершение административного правонарушения назначается в пределах, установленных законом, предусматривающим ответственность за данное административное правонарушение, в соответствии с настоящим Кодексом.

**Отделение УФМС РФ по РД в с.Магарамкент просит жителей Магарамкентского района внимательно отнестись к данным поправкам в Административном кодексе.**

**По всем вопросам миграционного законодательства обращаться в отделение УФМС РФ по РД в с.Магарамкент.**



## Газ – добро за которое надо платить!

### Обращение к абонентам – должникам за потребленный газ!

Уважаемый абонент! Просим Вас подумать о том, что в связи с накоплением и неоплатой задолженности Ваша семья может остаться без газа!

В республике Дагестан начата массовая кампания по отключению должников. У вас еще есть время рассчитать по долгам или обратиться за реструктуризацией долга.

Критическая ситуация с платежами потребителей газа в Дагестане вынуждает нас применять жесткие меры. У компании достаточно технических ресурсов для отключения домовладения каждого должника, и бригада по отключению обязательно дойдет и до Вас!

Подумайте о том, каким благом Вы пользуетесь, о том, что далеко не в каждом доме у наших земляков есть сетевой газ. Вспомните о том, как Вы или Ваши старшие носили в дом дрова и уголь, чтобы обогреть его, покупали газ в баллонах, чтобы приготовить еду. Человек, жилье которого уже газифицировано, не в состоянии отказаться от этого блага. Но чтобы не лишиться этого комфорта, необходимо платить за газ также исправно, как и за продукты в магазине, за бензин на заправке, за время в мобильной связи.

Доводим до Вашего сведения, что руководством компании ООО «Газпром межрегионгаз» в мае 2014 года уже поднят вопрос о переводе населения отдельных населенных пунктов республики Дагестан с низким уровнем платежей с природного газа на сжиженный углеводородный газ (в баллонах).

Уважаемый абонент, рекомендуем Вам не доводить ситуацию до принятия радикальных мер, своевременно и в полном объеме рассчитываться за потребленный газ и погасить всю накопившуюся задолженность!

**Руководство филиала ООО «Газпром межрегионгаз Пятигорск» в Дагестане  
ТУ Магарамкентского района.**

**РД, Магарамкентский район, с. Магарамкент, ул. Лезгинцева 6.**

## ЦАЯР КЪУНИН ХАТАЛУ ВАХТ

3 ←

Цаяр къадай хаталу гьалар арадал атуниги чна лесничийрин фикир цаяр къунин хаталувал авай участокра гьузчивал тухунин вахт ярги авунал желбнава.

Чи работникрин алакьяар рекьерин, электросетрин ва газопроводрин къуллугърихъ галаз сигъ авунва. Чи работникри агъалийрин арада цаяр къунриз акси пропаганда тухузва. И кар патал районрин газетрикай ва телевидениедикай менфят къачузва. Лесничестводин дежурный диспет-

черди таму цай къур дъшувъш хъайитла, энгелар тавуна «Дагустандин лесопожарный центрди» хабар гузва. Чна гьакI агъалийри цаяр къунин хатасузвилини къайдайрал амал ийизвай гьал ахтармишун патал рейдер къиле тухузва.

Чна агъалийривай мукъаятвал хуьн ва чи истемешунрал кевелай амал авун, тама ва адан патарив цаяр тавун талабзава. Ихътин истемешунрал амал авуртIа, чIехи зиянар, бедбахтвилер арадал атунин вилик пад къаз жада.

**Магъарамдхуьруьн  
лесничестводин администрация.**

Магъарамдхуьруьн 2-нумрадин СОШ-дин коллективди Гъажиева Земфирадиз ва адан хизандиз уьмуьрдин юлдаш

**ВЛАДИСЛАВ**

кечмиш хъунихъ галаз алакьялу яз дериндай хажалат чIугуналди башсагълугъвал гузва.

Магъарамдхуьруьн 2- нумрадин СОШ-дин коллективди Алиева Эльмирадиз ва адан хизандиз играми хва

**АРТУР**

кечмиш хъунихъ галаз алакьялу яз дериндай хажалат чIугуналди башсагълугъвал гузва.

Магъарамдхуьруьн «Теремок» бахчадин коллективди Метгъадова Латифадиз ва адан хизандиз буба

**Багъиров Девлетхан**

кечмиш хъунихъ галаз алакьялу яз дериндай хажалат чIугуналди башсагълугъвал гузва.

## МАЛУМАТ

ОАО «Россельхозбанк» ДРФ-дин Магъарамдхуьруьн алава офисди банкин кредитрай вахт алатнавай вири заемцикриз банкин Магъарамдхуьре авай офисдиз алава консультацияр къачуз теклифзава. Ина куь вири месэлайриз ва теклифриз килигда ва квез куьмек гуз алахъда.

**Банкин Магъарамдхуьре авай офисдин дирекция.**

**Къилин редактор  
А. ИСМАИЛОВ.**

**Газет гьафтеда  
садра акъатзава.**

*Газет Магъарамдхуьруьн райондин администрацияда регистрация авуна.  
Регистрациядин № 301.*

**Редакциядин адрес:** Магъарамдхуьр,  
Ленинан куьче, 4.

**Телефонар:** редактор- 25-1-37, жавабдар секретарь - 25-1-39, бухгалтер-25-9-69.

**Чап ийиз вахкудай вахт - 16.00.**

**Чапун патал къул чIугуна- 15.00.**

Газет ООО «Самур» типографияда гъазурна ва гъана чапна. 368780. Магъарамдхуьр, Ленинан куьче, 4. Лезги чIал.

**Индекс 63340. Тираж 1280.  
Заказ № 41.**

**+7**